

Broj: 01-02-3-1983/16  
Sarajevo, 26.10.2016. godine

**Z A P I S N I K**  
**13. VANREDNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 18.10.2016. godine**

Sjednica je počela u 10.51.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike a posebno goste.

Odsustvo sa sjednice opravdali su: Boro Krišto, Amra Haračić, Ljuban Herceg i ministrica Elvira Dilberović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prije početka rada potrebno je verifikovati mandat Bilseni Šahman. U ime Mandatno-imunitetne komisije obrazloženje je dao Asim Kamber. U obrazloženju je naveo da je utvrđen prestanak mandata Seadu Jusiću sa liste političkog subjekta SBB - Fahrudin Radončić zbog imenovanja na drugu dužnost. Centralna izborna komisija BiH u vezi sa navedenim utvrdila je da se mandat dodjeljuje Bilseni Šahman, sljedećem kvalifikovanom kandidatu sa liste političkog subjekta SBB - Fahrudin Radončić. Mandatno-imunitetna komisija predložila je Predstavničkom domu da verifikuje mandat Bilseni Šahman.

U raspravi niko nije učestvovao.

Sa 51 glasom za, uz 17 glasova protiv i uz osam uzdržanih glasova, usvojen je izvještaj Mandatno-imunitetne komisije i time verifikovan mandat Bilseni Šahman.

Novoizabrana zastupnica Šahman dala je svečanu izjavu.

Prešlo se na utvrđivanje dnevnog reda.

Damir Mašić kazao je da su 23 zastupnika Predstavničkog doma 16. septembra 2016. godine podnijeli kvalifikovan broj potpisa za zakazivanje vanredne sjednice na temu prodaje dionica Fabrike duhana Sarajevo. Kazao je da je predsjedavajući imao poslovničku obavezu zakazati sjednicu, što nije učinio. Napomenuo je da su ostali uskraćeni kako za zakazivanje sjednice tako i za odgovor zašto se to nije desilo. Predsjedavajući Mušić dao je objašnjenje o ovom pitanju.

U raspravi o ovom pitanju učestvovali su: Dženan Đonlagić, Edin Mušić, Damir Mašić i Dennis Gratz.

Predsjedavajući je pozvao zastupnike da se izjasne o predloženom dnevnom redu za 13. vanrednu sjednicu.

Sa 58 glasova za, uz 24 glasa protiv i uz četiri uzdržana glasa, usvojen je sljedeći:

**D N E V N I R E D**

1. Prijedlog Odluke o prihvatanju zaduženja Federacije BiH po Proširenom aranžmanu sa Međunarodnim monetarnim fondom (MMF),
2. Prijedlog Odluke o prihvatanju zaduženja po Ugovoru o finansiranju između BiH i Evropske banke za obnovu i razvoj (EBRD) za realizaciju Projekta Koridor Vc.

## **1. Prijedlog Odluke o prihvatanju zaduženja Federacije BiH po Proširenom aranžmanu sa Međunarodnim monetarnim fondom (MMF)**

Prijedlog Odluke sa pratećim materijalima dostavila je Vlada Federacije BiH. Prijedlog Odluke razmatrala su nadležna radna tijela i dostavila izvještaje. U ime Vlade Federacije BiH dodatno obrazloženje dala je ministrica Jelka Milićević.

U ime Odbora za ekonomsku i finansijsku politiku obrazlagao je Sanel Razić.

U raspravi su učestvovali: Elvir Karajbić, Dženan Đonlagić, Ismet Osmanović, Damir Mašić, Dževad Adžem, Azra Hadžiahmetović, Jasmin Kadić, Davor Vuletić, Jasmina Zubić, Rasim Omerović, Dževad Agić, Nermin Nikšić, te ministrica Jelka Milićević.

Sa 56 glasova za, uz 17 glasova protiv i uz dva uzdržana glasa, usvojen je Prijedlog Odluke o prihvatanju zaduženja Federacije BiH po Proširenom aranžmanu sa Međunarodnim monetarnim fondom (MMF).

## **2. Prijedlog Odluke o prihvatanju zaduženja po Ugovoru o finansiranju između BiH i Evropske banke za obnovu i razvoj (EBRD) za realizaciju Projekta Koridor Vc**

Prijedlog Odluke sa pratećim materijalima dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi niko nije učestvovao.

Sa 61 glasom za, uz osam glasova protiv i uz četiri uzdržana glasa, usvojen je Prijedlog Odluke o prihvatanju zaduženja po Ugovoru o finansiranju između BiH i Evropske banke za obnovu i razvoj (EBRD) za realizaciju Projekta Koridor Vc.

Predsjedavajući je zaključio rad 13. vanredne sjednice Predstavničkog doma Parlamenta Federacije BiH u 13.21.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Stela Ibrović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić